

DEFINISI REMAJA DAN PEMBENTUKAN KONSEP

KENDIRI DALAM HUBUNGANNYA DENGAN KELUARGA

(Part 6)

Azizi Hj Yahaya

4. Konflik Remaja – Ibu bapa

Dunia sosialisasi remaja bertambah luas daripada institusi keluarga kepada sekolah dan masyarakat. Pada peringkat awal, remaja memfokuskan kepada perhubungan interpersonal dengan ibu bapa dan adik beradiknya namun semakin membesar mereka akan mengubah pergantungan (*attachment*) keluarga menuju kepada dunia luar yang terdiri daripada komponen rakan sebaya, guru-guru dan ahli masyarakat lain. Dalam usaha remaja memperoleh identiti diri, sebahagian kecil remaja mengalami masalah interpersonal yang hebat dengan ibu bapa mereka. Konflik di antara remaja dan ibu bapa wujud dalam pelbagai bentuk. Konflik ini berbentuk konflik peribadi, sosial, aktiviti di rumah atau di sekolah, disiplin dan sebagainya.

4.1 Jurang Generasi Remaja – Ibu bapa

Dalam membincangkan konflik remaja dengan ibu bapa ini, sering bertindan lapis dengan istilah jurang generasi (*generation gap*). Sebenarnya istilah ini merujuk kepada konflik remaja dengan ibu bapa kerana ibu bapa sebagai generasi yang lebih tua seolah-olah tidak dapat menerima kenyataan bahawa generasi muda merupakan golongan yang akan memasuki tahap dewasa. Akibat penolakan hakikat yang sebenarnya maka timbulah jurang generasi atau konflik antara remaja dengan ibu bapa. Antara konflik remaja dengan ibu bapa ialah konflik kasih sayang, konflik kebebasan, konflik '*own rights*' dan '*other rights*', dan konflik rakan sebaya.

Konflik sering berlaku berpunca dari aspek cita rasa peribadi dalam pelbagai hal seharian seperti cara berpakaian, pemilihan rakan, ketepatan waktu, pilihan muzik dan lain-lain. Pendefinisian yang berbeza tentang adat dan pilihan peribadi antara remaja dan ibu bapa juga menimbulkan pertelingkahan. Konflik timbul apabila kedua-dua pihak cuba membuktikan siapa yang lebih berautoriti dan di bawah bidng kuasa siapa pertelingkahan itu berada.

CONTINUE...